


A6

15


ULI

zionale  
Firenze



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. A.6.15










Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. A.6.15





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. A.6.15





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Magl. A.6.15



INCUNABULI

A

6

15

Biblioteca Nazionale  
Centrale - Firenze











Reverendissimo in Christo patri D. Omerio Carta  
the Cardinali Napolitano episcopo Saluti. p. 10  
Rector Augustinus Jacobus Bonus

Divas: que prophetam deum colentem  
Salus idcirco: nemus Cytheri  
Formosum faciant: A pollinunt  
Mulus: illi: laborumque p. 10  
Iste prophetam: ipse libellus  
Quos: glori: p. 10  
Carthago: in: p. 10  
Fidem: in: p. 10  
Mulus: de: p. 10  
Dis: p. 10  
Et dono: p. 10  
Mulus: quod: p. 10  
Non quod: p. 10  
Vibrid: p. 10



Reuerendissimo in Christo patri. D. Oliuero Carra  
phę Cardinali Neapolitano episcopo Sabineſ. pro  
tectori Ragufino Iacobus Bonus.

Diuas: quę paphiam deam colentem  
Siluas idalii: & nemus Cytheri  
Formosam faciunt: Apollinemq;  
Musas | Pallada | Liberumq; patrem:  
Istis preposui tribus libellis.  
Quos: ꝛ gloria patrię | domusq;  
Carraphę nitor | & decus perenne:  
Fidem qui rubeo tegis galero:  
Mundi & pondera | cardinemq; uertis  
Diis equus superis: tibi dicamus:  
Et dono Herculeum damus laborem:  
Munus quod decet infimum Poetam:  
Non quod maximus exigit patronus  
Vrbis: quę illyrici caput tenetur.



Iacobi Boni Epidaurii Dalmatę de raptu Cerberi  
Liber Primus.

Aglea.

† Aenarias fauces| & debellata profundı  
Regna Iouis| soliūq; canā: quo clauiger heros  
Tergeminum traxisse canem sub sidera fertur.  
Multa prius seūq; qui prodigiosa Nouerę,  
Monstra mycenęo domuit sub rege| timendus  
Victor| & oechalicas euertit funditus arces.  
Adsis o Helicon tuens Iouis alma propago  
Numine Phębe potens uario: siue aurea princeps  
Astra tenes: seu bella geris: seu candida circum  
Pieridum te turba choro ludente coronat  
Entea uocali modulantem carmina plectro:  
Seu tua lato potius cunabula cyntho  
Flammiferę seu templa colis patarea Chimereę  
Non te ad uulgatum thymbrę uocamus Apollo  
Carmen| & ad dictas acies: quis nanc; Gigantum  
Aut fera titanum belli conamina nescit?  
Quoi non romulidum referuntur pręlia: quoi non  
Perfida Carthago: deuictaq; pergama flammis  
Argolicis: & si qua prior uulgauerit ętas.  
Sed furiis cōmota canam noua proelia: nanc;  
Sic prius hoc bellum nulli cecinere priorum.  
Est prope in obiectu rabideę spelunca Maleę  
Spartano prętenta sinu: qua ditis anhelat  
Spiritus ater olens: uasto & fremit orcus hiatu:





Hac chaos Alcides nigra formidine mersum  
Inuasit: stygiq; ferox sacraria regni:  
Et caligantes erebi deuenit ad umbras.  
Quamuis inferni trita est uia: uos tamen orci  
Numina: diq; omnes animis qui limen utrunq;  
Panditis: & flegeton quos gurgite lustrat adusto:  
Et uos tartareę secreta silentia noctis  
Adsitis: sequor andini uestigia uatis.  
Principio ad fauces tetri stabulantur auerni  
Centauri: gens mixta feris: partusq; bifformes:  
Scyllaq; circeis quoi latrant inguina monstrib;  
Infoelix stat uirgo procul: centumq; mouentur  
Aegeone manus: linguisq; sonantibus instat  
Parrhasius serpens: ignisq; erructat ad auras  
Fumantes horrenda globos terno ore Chimęra  
Quid uarias species: diuersaq; monstra ferar;  
Exequar: harpyięq; & phorcidos umbra Medusę  
Stant ppe: Gerionesq; triceps procul aufugit hoste:  
Ceui caua quom tractis sonuit spelunca iuuentis.  
Sternuntq; thoris gemitus: infaustraq; lugent  
Funera: nec longe fugientia gaudia distant:  
Et macie confecta graui flagrantibus alis  
Agmina curar; uolitant: gressuq; propinquat  
Exangues inter morbos odiosa senectus.  
Hic dolor: hic metus: hic immanę pandit hiatum  
Improba auarities nullo saturabilis auro:  
Et miseranda fames: humilic; infirma grabato  
Pauperies recubat foedo turpissima uisu.  
Postibus aduersis stimulo bellona cruento



Aglea.

Eumenides in bella ciet: fremituq; laceffit  
Horrissono: furibunda ruit discordia iuxta  
Demissos lacerata sinus: uittisq; cruentis  
Anguiferas depressa comas: & prelia poscit.  
Hic subito Alcides nodoso robore circum  
Fulmineos acer rotat imperterritus ictus:  
Precipitesq; fuga tenuis diuerberat umbras:  
Et qua pandit iter | se fert acherontis ad amnes.  
Tanq; propinquabat stygie qua portitor unde  
Cerulea puppi manes transuectat humatos  
Quoi fera terribili sordet pedore senectus:  
Hirtaq; canities incultaq; feruidus ignis  
Luminibus | fauces lata fornace fathiscunt:  
Auratum caput: & nigra ferrugine corpus  
Atrius inuoluit discincto sirmate: gentes  
Quem circum innumere uolitant: ripasq; per omnes  
Turba inhumata ruit: quantus ruit ethere densis  
Imber aquis: quanteq; cauo tolluntur harene  
Gurgite aristis euro spirante Cyrenis.  
Alcides tenuit uestigia pressa parumper:  
Cognoscat tanto si quos in turbine manes:  
Cernit ibi plures tristi quos miserat orco:  
Agmina precipue centaurica nubigenarum:  
Atq; pelectronios laphitas: Rhetumq; Pholumq;  
Neleumq; datumq; sua in presepia regem:  
Atq; cruentatam pharii Busiridis umbram:  
Et te cernit Hyla puer: o Hyla ipse repente  
Hiccine mestus ades dixit quis te mihi seuus  
Abstulit: ha nimium seuus: uix ora | comamq;

a ii



Auratam/ & faciem/ dulci candore nitentem:  
Vix roseas agnosco genas: heu quis tibi uultus  
Foedauit: meus ille fuit crudelior hostis:  
Hei mihi rapte puer: nunq̃ te has ire sub umbras  
Crediderim: nec posse mori florentibus annis:  
Immo equidem rebar niueis te ad sidera cycnis  
Sublatum: spretoque patrem Ganymede potitum  
Te puer: ambrosiæq̃ suæ fecisse ministrum.  
Quem non heroum demens quos uexerat argo  
Fatidica argueram furti: rixasq̃ mouebam  
Impatiens: quoties fallax mihi dixerat orpheus  
Flumina te propter nymphas rapuisse Napeas.  
Ipse uelut furius præceps agitatus adibam  
Antra lacum: dryadumq̃ domos: & lustra ferarû:  
Causabarq̃ deos furto: mihi per styga cuncti  
Iurabant nil scire tui: scit Mysia quantum  
Quæserim te chare puer: quantosq̃ sub altis  
Montibus ediderim gemitus: scit tristis imago  
Vociferans nostros planctus: lamentaq̃ nostra  
Quas ego non sortes: quæ non oracula diuum  
Tentaui: sed uana mihi responsa dederunt.  
Quin etiam Phoebi tripodes inimica canebant  
Numina nayadum te sub sua regna tulisse:  
En quoq̃ me falso frater delusit Apollo.  
Tunc tristis lætatus Hylas stetit Hercule uiso:  
Atque ait: o magni domitor fortissime mundi  
Alcide: neq̃ te frater: neque tratius orpheus  
Nec falsis responsa deum lusere figuris.  
Nam tibi (quandoquidem fatis conuenimus altis)



## Aglea

Ipse meos casus labor|mortemq; nefandam.  
Hellepontiacos portus argo a carina  
Quom tot honusta deum genitis intrarat: Iasaon  
Quos secum auricomam cupientes carpere pellem  
Colchon & oethei ducebat phasydos undas.  
Tū(bene si memini) quom tota in puppe corona  
Heroum accubuit mensē: circumq; ministri  
Aurea uasa|dapes| & dulcia uina ferebant:  
Ipse ego iussus eram gelidis e fontibus urnam  
Implere ex hauſtu laticum: quam fune reuinctam  
In uada proieci: frigentes flumine lymphas  
Vt caperem: tunc ecce procul sub sole calenti  
Candida siccat madidos Arethusa capillos  
Gurgite pubetenus uirgo stans nuda supremo:  
Bis subito liquidas sese summergit in undas:  
Bisq; emergit aquis iterum: nymphasq; sorores  
Erocat: extemplo nudatas equore toto  
Nayadas aspicio spumantes ire per undas.  
Obstupui: humoremq; mihi sub pectora traxit  
Sanguineum formido repens: gelidosq; per artus  
Pallor iit: nox orta oculis: labefactaq; terram  
Membra petunt: sopita cadit mens corde sub imo.  
Me tunc exanimo similem chorus omnis abegit  
In caua nayadum spumose Doridos antra.  
Ergo uera pii dicebant omina uates  
Alcides ait: at male amantia numina nymphę:  
Quę mihi delitias nimium rapuistis inique:  
Non bene in Alcide consultę damna fuistis.  
Verum age: quom duri casus|aduersaq; fata



Nocte sub hac odiosa tuos ostendere manes  
 Decreuere mihi: dicas puer ordine tristes  
 Euentus: quibus heu stygias detrusus ad undas  
 Omnia tu nostrę fregisti gaudia mentis.  
 Quoi puer: interea uacue clamore cauernę  
 Monte sonant: gelidoq; madent aspergine uultus  
 Pallentes: tum membra mihi frigentia torquent:  
 Et stringunt per crura/manus/& brachia nodos  
 Hęc fert straceo pingues de cortice guttas:  
 Ast alia ampullis costum depromit olentem:  
 Spargit odorato necnon cum baccare nardum:  
 Et cum purpureo myrrham styrace madentem.  
 Attoniti redeunt sensus:& pristina uirtus  
 Membra subit: feror in thalamos tunc protinus altę  
 Doridos: huic letę me dant pro munere nymphę  
 Illa tuas ingressa fores: proruptaq; nuper  
 Limina: in hispanam Calpen qua surgit Abylle:  
 Quaq; tui monimenta manent ęterna laboris:  
 O hymenę tibi magno pulcherrima Nereo  
 Nupserat: ingentiq; thoro noua nupta sedebat:  
 Et noua progenies circum: fluuiiq; lacusq;  
 Nympharumq; chori: uasto genitricis in antro  
 Carmina rauca canunt: ultro: citroq; uagantes.  
 Protoq; Meliteq; Thaliaq; Dotoq; Ieraq;  
 Amphitoiq; comis in candida colla solutis:  
 Et Chlimene/ Liminoriaq; Acteiq; Spioq;  
 Cymothoe/ Cymodoceq; & flaua Orithya:  
 Turba pharetratę nec adhuc uitiata Diane:  
 Atq; Thoi/atq; Amathis/atq; aurea Gallianira:



Aglea.

Candida succinte collecto firmata nodo:  
Inter quas Protheus cythara recinebat eburna  
Foedera prima deū narrans/ festosq3 hymenēos:  
Præcipue Oceani thalamos/ ipsoq3 canebat  
Progeniem fluxisse deo quęcunq3 creata est.  
Sed dicam breuius ne dillabatur inani  
Temporis hoc spatium sermone: ut me ipsa recepit  
Doris ait: meq3 in gremio complexa tenebat.  
Egregium decus hoc nymphę: munusque parente  
Dignum erit Oceano: ite: citos mihi ducite currus  
Delphinas stimulate uagos: cristalla ferantur  
Præduro concreta gelu: quo conditus altus  
Possit inoffensus nobiscum cernere fluctus:  
Et quod pontus habet iam prospectare sub undis.  
Dixit: & haud segnes referunt ascyntheta nymphę  
Alpinis extracta iugis: ac plaustra rotati  
Sistunt Delphines magnę prope limina portę.  
Interea genitor mensas instruxerat omnes  
Oceanus: magnoq3 tubę clangore uocabant  
Aequoreos ad nota deos conuiuia: pontus  
Antraq3 clamoris resonabāt intima conchis.  
Progreditur regina thoro: currumque iugalem  
Scandit: & aurata palla uestita refedit.  
Merq3/ prima nouos experta cupidinis ignes:  
Et cythara Dianassa sonans miranda tricordi:  
Apsedis/ Ianiraq3/ & hispida corpore Meni  
Omnes inflabant roseis caua buxa labellis.  
Tresque simul iuuenes Glaucis/ nitiditq3 Pherusa  
Conspicienda comis: matrique simillima Doris



A

Dulcia crispabant tenera modulamina uoce  
Mecq; sub ingentis camerata fornice currus  
Defigunt: intus diuinaq; pocula ponunt/  
Ambrosiaq; dapes/uitreo sub carcere clausum.  
Qualis ubi in domibus magnis auis inda puellis  
Delitium/humanas meditatur promere uoces:  
Argento contexta domus quam paruula claudit:  
Fixaq; sub trabibus recta suspendit ab hasta.  
Iam uada sulcabat prouectus in equora currus:  
Altaq; arionius scindebat cerula delphin  
Tergore pinnifero: uolucris quom Nerea curru  
Immanes longo uexerunt corpore pristes.  
Agmina nam propior cupiebat iungere Nereus:  
Atq; rotis altis paribus perlabier undas:  
Misceriq; simul: ueluti triaterica bacche  
Orgia quom celebrant euantes tygribus Euan  
Taygetis si quando iugis descendit amantes  
Virginibus satyros cupiens miscere lacenis.  
Nereidum sic leta cohors/fluuiiq; sonantes  
Nerea delapsi uastum comitantur in equor  
Immixti nymphis: Strymon/Sperchios/Ilerdal  
Dillectus lycus nymphis: & fuluus Oaxis  
Ft flauus tybris: cornuq; Achelous adempto:  
Et septemgeminus secreto Nilus ab ortu:  
Auratoq; Tagus uultu: Rhodanusq; bicornis:  
Omnigenosque ferens pisces/uarias uolucres  
Dalmaticus Naran: Phasis/Phrygiusque Caycus:  
Laurifer Eurotas: & nigro excussus ab orco  
Corniger Eridanus: Liparis: medusque Nyphates



## Aglea

Smyrneusque Meles: & multo Marte notatus  
Ister: & illyrico ueniens a littore Narbon.  
Tanq3 uias utreque pares tenuere quadrigę  
Marmore demersę in medio: quę monstra natantũ  
Quos pelagi populos: & quę sub equore uidi  
Longa est hęc series: qđ si mihi guttura mille  
Mille modis uariis: & mille per ora sonarent:  
Vix equidem unius numerarem tempore mensis.  
Omnia nam magno quęcunq3 sub ęthere tellus  
Concipit: & pulchri profert in lumina solis:  
Omnia multiparens complectitur Amphitrite:  
Nascunturq3 alto uasti sub gurgite ponti.  
Sunt nemora: & celso confurgunt uertice montes:  
Sunt lati frondi: sunt rubra corallia messes:  
Et uirides errant diuersa armenta per agros:  
Pastorumq3 greges per pascua læta uagantur.  
Verum hęc quid referā: nam quāuis marmore toto  
Plurima sint passim uiuis magalia saxi  
Tecta q3 nympharum: & palatia magna deorum.  
Exitium crudele tamen memorare iuuabit:  
Atque animę miserę tam lamentabile fatum.  
Alcides imo suspiria corde trahebat:  
Torua piis lachrymis humectans ora: genasque:  
Vocis & antiquo uerborum ardebat amore  
Pectore percipiens notę uestigia flammę.  
Et quanq̃ sese quod seuo acheronte manebat  
Forti animo uolebat opus: tamen ipse loquentem  
Instigat: coeptis peragat fata impia dictis.  
At multum miserandus Hylas male cognita ponti



Numina narrando luctus solatur acerbos  
Supplicii uelut immeriti sortisque nefandę  
Foelix troianus phrygia uenator ab ida  
Mox ait ad cęlum raptus: quoi dardana pubes  
Inuidet: & superis qui dulcia pocula prębet.  
Foelixq; ille puer phrygiis in montibus Atys:  
Cymbala quoi tollunt moestas resonantia curas:  
Atque leues gallę: & furibundę sacra Cybelles.  
Ast ego qui dulci priuatus lumine uite  
Heu nimium infoelix stygias inhumatus harenas  
Incolo: nec nostro solatia spesue dolori  
Vlla datur: sed dira agit inclementia tetros  
Dęmonas: inq; meos iactant incendia manes.  
Scilicet hoc pulchras prodest uidisse Napęas:  
Nereidumque choros: & Doridos antra marinę:  
Hoc currum Nerei: infidi hoc miracula ponti.  
Quin & cęlicolas omnes: omnesque tenentem  
Oceanum terras: magnis discumbere mensis  
Regna per Aethiopum. Postq; genitoris adiuit  
Atria grandęuus pulcra cum coniuge Nereus:  
Stabant tercentum currus: & mille iugales  
Laeta per arua ferę pastu implebantur opimo.  
Quę magnum uexere Iouem: rerumq; parentem  
Oceanum: mentemque Iouis cum coniuge sua  
Quę Tethym: & Neptunum: & te tritonia Pallas  
Insignem clypeo: & picto cum cuspide peplo:  
Quę prolem Latona tuam stridente sub ipsis  
Marmore quadriugis: & te Gradiue tulerunt  
Traces equi: & Veneris niuei pascuntur olores:



Aglea.

Quattuor atq; rote: domitrix quas atra deorum  
Nox tulit adfugiens orcum Phænetis amores:  
Et picti Bromii lynces: & plaustra leonum  
Alma quibus uehitur diuum Berecynthia mater:  
Et te flaua Ceres nothę ad conuiuia bigę  
Vexerunt: & te gelidi Saturne iugales:  
Et celer annexis uenerat talaribus Arcas:  
Cum patulo pennata gerit qui crura galero:  
Atq; soporiferam letali cuspide uirgam:  
Qua regit elysium: qua tartara: quaq; sub imo  
Fas flagetonte tenet placidoq; in flumine lethes  
Ellicit hinc manes: hic suffocat impius Arcas.  
Ventum erat ad sedes: ubi conuenit omne deorū  
Concilium: & nitidis collucet regia mensis:  
Tum pater undisonus sobolem complectitur almā  
Plurima letanti testatus gaudia uultu:  
Me quoq; transspicui coniectum carcere uitri  
Accepit dono. Postq; saturata libido est  
Magna deum: mensęq; dapes: & uasa remota  
Delibata procul: leti discedere diui  
Ceperunt: hilariq; uagi sermone fremebant.  
Quale solet siluis insurgere murmur opacis:  
Et foliis crepitare nemus: saltusq; sonantes:  
Aut matutino quom purpurat equora flatu  
Horrificans boreas gelidę sub uirginis ortu:  
Quom freta tum leuibus uentis agitata tumescunt:  
Quale sonāt fragiles curuato in littore fluctus.  
Insiliunt igitur currus: atq; astra capessunt:  
Exortusq; petunt alii bipatentis olympi:



Qua tuus aurato pandebat limine Cancer  
Mœnia|cœlicolumq; domos|& lucida templa:  
Complexu quę cuncta suo clauduntq;|teguntq;  
Ast alii latebras terrarum|& concaua saxis  
Antra adeūt:magnoq; cauāt cum murmure mōtes.

Iacobi Boni Epidaurii Dalmatę de raptu Cerberi  
Liber Secundus.

Thalia.  
p Oſtera ab ęoo roſeis inuecta quadrigis  
Te croceis Titone thoris Aurora reliquit.  
Solq; recedentes radiis diſpeſcuit umbras:  
Atraq; nigrantes erebo nox intulit alas.  
Quom fator omnigeni fętus|diuumq; creator  
Oceanus ſcythico balęnis ęquore iunctis  
Inuehitur curru:& decliues fertur in undas.  
Illa dies miſero fatoꝝ extrema meorum  
Illuxit:męſtamq; mihi fudere querelam  
Caſtorides:uox illa fuit pręnuntia lęti.  
Nanq; ſupinatum curru dum uerrimus ęquor  
Flumine delati rapido:procul ecce tumentes  
Conſurgunt magno compulſi turbine fluctus:  
Verſaq; harenolum ſecum maria omnia fundum  
Corripiunt:& late irato in marmore miſcent.  
Diuerſi fugiunt piſces:ingentia cęte:  
Phocarumq; greges|magnaꝝ & monſtra rotarũ:  
Arboribuſq; ferę ſimiles:ſimileſq; columnis



## Thalia.

Dilluuiem tetrīs ructantes faucibus atram:  
Monstraq; quadrupedū secū mare uoluit ab imo  
Orbe trahens: causa & tantę uenit ecce procellę  
Balenę seuis infestabantur ab orcis:  
Oceanoq; fuga pulsę maria alta petebant:  
Quo sese hostili defendere ab agmine possent:  
Et uasto profugę turbabant equora motu  
Ac si conuulsis radicibus urgeat altas  
Orcadas: & magnos rapiat fuga in equora montes  
Occurrunt orce contra: rostrisq; trucidant:  
Angustisq; graues illidunt cautibus: ille  
Comotę ingenti conturbant equora flatu.  
Dicis foliis fluctus eferuere uentis:  
Quom nothus aut Aquilo Neptunia concutit arua  
Saxosę interea circum iactantur hareņę:  
Quas grauis interdum balena e faucibus efflat.  
Tempestat sic atra deum denuntiet iras:  
Si duros cęlo lapides effulminet alto.  
Crytallum fragile adueniens tunc impete turbo  
Disiicit in tenues crustas: mihi guttura densis  
Irruit humor aquis: uitalem & strangulat ignem:  
Pręcluduntq; undę miserę spiracula uitę.  
Tum pater Oceanus casum miseratus iniquum  
In pisces corpus uertit: cęloq; locauit:  
Diuulsam membris animā insaturabilis orcus  
Deuorat: hęc stygiis centum damnata per annos  
Errabit ripis: horrendaq; monstra pauebit.  
Sed te per cęlum: quod te manet: & iubar almū  
Obtestor Phębi: & Dircei Amphionis urbem:



Des ut opem misero: quom tu remeabis ab umbris  
Tristibus ad superas iucundi luminis auras:  
Manibus inferiasq3 meis: atque aggere inanem  
Constituas tumulum: saltem ut hoc munere fungar  
Aut tu si quid habes iuris seu roboris alti:  
Si durum flegetonta domas/legesq3 deorum:  
Omnia quandoquidem uincis: tu me erripe tanto  
Supplicio: & tecum crudelibus extrahe penis.  
Talia fatus Hylas: ac talia clauiger heros  
Reddidit: o utinam tantum mihi robur adesset:  
Ius quoq3: quo propriis exutas artubus umbras  
Attrectasse queam: tristesq3 refringere penas:  
Et diuinarum decreta adamantina legum:  
Tu uotis frui tuis: foret alter olympo  
Iupiter Alcides: Saturnia regna redirent  
Sed si uictorem spoliis acherontis iniqui  
Me superi aspicient: faxo tua sentiat umbra  
Non tantum inferias tristes/ & nomen inane  
Sarcophagi: uolucrum mihi Iuppiter Arcada celo  
Demittet: uincat lingue qui fulmine ditem:  
Transferat & qui te ad requiem/ sedesq3 beatas.  
His dictis gauisus Hylas: magnamq3 recepit  
Spem puer: hec si qua e miseri sub tristib9 umbris  
Proripit Alcides stygię se ad stagna paludis.  
Quem simul atq3 Charon uiridi prospexit ab alueo  
Ad uada currentem/ cenosoq3 algida fluxu  
Littora: uectoremq3 ratis clamore uocantem.  
Expauit torua facie/ magnoq3 tremendum  
Pectore: uixq3 ausus fatalem poscere uirgam:



## Thalia

Cunctarūq; uirum: & properandi querere causas  
Officii memor ipse sui: tu clauiger inquit  
Siste pedes: quo te ad nostras rapit impetus undas?  
Quis deus humanis indutus carnibus: istud  
Quidue petit ferrum: quid stipite robur obusto?  
Quo ruis: hic supero defunctę lumine gentes  
Conueniunt: manesque uehit mea cymba sepultos  
Corporeis nunq̃ membris assueta grauari.  
Sed si Persephones rutilantis uirga metalli  
Est tibi: tum nostra poteris trannare carina:  
Sospes: & ad dominam ditis sua munera ferre.  
Orphea nam memini: quem candida Calliopea  
Edidit oeagro conceptum flumine: cymba  
Accepisse mea: stupidos quom carmine manes  
Mulcebat: cytharę lacus resonante furentis  
Firmabat cursum: siluasque animalque trahebat  
Ad cantum: inferni strepitus: latrantiaq; ora  
Conticuere canis: dum garrula murmurat ipsi  
Cyllenis fidibus: uoces imitata canentis.  
Ille reposcebat miserando funere raptam  
Euridicen: chaos antiquum: primęuacq; mundi  
Semina: quę flegeton dias produxit in oras:  
Germanosq; ioues: diuisaq; regna canebat.  
Talia dum cantu celebrat Rhodopeius orpheus:  
Dulcia lenibant miseros solatia manes:  
Tractus & Aeolides dura cum caute: rotęq;  
Constitit Ixion: per tulas fontibus urnas  
Bellides implerunt: acheronq; obmutuit undis.  
Victus & infernus blanda dulcedine Pluto

b





Restituit manes abreptę coniugis Orpheo:  
Orpheus & superas remeauit uictor ad auras.  
Quem contra breuiter fatur Thyrintius heros.  
Tratius ad sedes erebi descendere uates  
Si potuit: uictorq; lacus exire profundos  
Garrulitate lyre fretus: cantuq; loquaci:  
Et mea qui quondam cecinit preconiā: cur non  
Fas mihi sit patrui sedes inuifere ditis?  
Iuppiter ipse mihi genitor: me Iuno nouerca  
Iussit adire domos erebi: stygiamq; paludem  
Transfulcare rati magnam Plutonis ad arcem.  
Hoc insigne mihi gestandum robur: & ipsa  
Ferreā compago: sic Marti ferreus ensis:  
Tela trifurca Ioui: Neptuno fuscina: Phoebō  
Corytus calamicq; leues: & thyrsus Iaco:  
Mercurio sic uirga datur: nonne ipse tridentem  
Pluto tenet: gestatq; suam Diana pharetram?  
Quisque deus sua signa gerit: Proserpina quondam  
Quod statuit ferri ipsa sibi sub tartara munus  
Ecce uides: ramum fului cognosce metalli.  
Dixit: & unguifero ramū detexit amictu.  
His placata senis mitescuut pectora dictis:  
Sedatusque timor naute: letusque corusce  
Suspicit admirans donū uenerabile uirge.  
Tunc se precingit: remos: & uela rudentesque  
Expedit: & tenui misso sub gurgite conto  
Detrudit puppim: proramq; aduertit harenā.  
Impiger ingreditur uasta cum mole carinam  
Amphitryoniades: tum lubrica pondere cymba





## Thalia

Subsedit tremefacta iugis: undamq; recepit  
In latus: & titubans trannauit flumina tandem.  
Alcides postq; ripa ulteriore potitus/  
Qua minus adgentur limi: fluuiiq; refusis  
Languet margo uadis: & glauca sordet in ulua.  
Protinus hic ingens apparuit aula tyranni  
Tartarei: hanc longo suspendit porticus arcu:  
Sublimesque alto tollunt adamante columnę:  
Et circum obductos atra fuligine turres:  
Diis ueneranda palus liuenti personat unda:  
Hic prope uestibulum: & diri palatia ditis.  
Stat solium sublime dei: iuxta triformis  
Cerberus: humano depastus sanguine: sternit  
Membra subexesa scabri testudine saxi:  
Quo stygias prostratus aquas custodit: & alta  
Atria latratu triplici: gentesque sepultas  
Deuorat: & tenues horrendus territat umbras.  
Isque ubi mota pedum propius uestigia sensit  
Accessisse dei: lapsas mox suscitatur aures:  
Captauitq; sonum: & paulatim gutture clauso  
Infremuit: uibrat caudam draco uerbere torto:  
Vipereis stant colla iubis: procurrat: & altos  
Edit in aduersum latratus eminus hostem:  
Et modo terga timor uertit: modo subtrahit ira.  
Indomitus stetit Alcides formidinis expers:  
Nudatumq; clepit nemeęo tegmine corpus:  
Et graue suscepit uibrato pondere robur:  
Exploratq; manu uersans: aptatq; cathenas  
Ingentes: infracta cani mox uincula capto.



Tum se proripuit furibundi fulminis instar:  
Ille fuga uersus petit alta sedilia ditis.  
Vt quom Chaonius quondam latrator euntis  
Mota uiatoris sensit uestigia:raptim  
Dura cathenati frangens retinacula ferri  
Currit in aduersum latrans:sed fuste uiator  
Expertus rabiem timide domitare lyciscę:  
Profugat impavidus:tectumq; suburget herile:  
Sic premitur fugiens:uicinac; Cerberus horret  
Vincla cathenarum:& minitantis uerbera clauę:  
Iam penes Alcides aderat:iam terga premebat  
Ictibus intorquens magna ui robur inorme:  
Quom Iouis ante thronum stygii collabitur:atq;  
Colla dedit domitus duris uexanda cathenis:  
Haud segnis ferrum ceruicibus alligat atris  
Amphitryoniades spiris immanibus:omnemq;  
Implicat: assacheus ueluti draco sanguine maurum  
Quom sitiens elephanta petit:seu flumine uiuo  
Insidiatus atrox:seu densa conditus umbra:  
Nexibus inuoluit:longoq; ligamine nodat.  
At procul aerea custos ex arce Megera  
Spectaculum horrendum exoritur:quoi cōdere bellū  
Et stygias seruare domos dedit arbiter orci.  
Illam monstrifero genuit nox humida partu  
Pressa acheronte truci:quę proelia uoce cieret:  
Et strictos in bella ferox committeret enses.  
Tunc irata cauam furiali murmure concham  
Inflauit:stygii quo protinus ardua mundi  
Machina contremuit:uastum intonuitq; profundū



## Thalia

Sensit & elysium longe nemus: audiit omnis  
Fortunata cohors foelicibus abdita siluis:  
Audiit armifraga quę cuspide ab egide sęua  
Fulgurat: & subito stimulat bellona tumultu  
Dęmonas: hi spurcos bifido mucrone bidentes  
Vulcano candente ferunt: qua buccina Martem  
Increpuit: ceu bella noua pro coniuge rursus  
Pluto gerat: uetitisque petat pro cursibus ętnam.  
At non Alcides ullis perterrita monstis  
Pectora turbabat: ueluti cantabria Cautes  
Nil timet ęolias hyemes: ęstumq; minacis  
Oceani scopulis sed firma sonantibus heret:  
Fluctibus in mediis: magnes & concava circum  
Antra fremunt: undisque sonat latrantibus ęquor.  
Quem procul ut mundo spolia ex utroque ferentem  
Prospiciunt: illicq; induta comantibus armis  
Alta cleonei fulserunt terga leonis:  
Conspectu patuit deus: & prestantibus alto  
Corde animis: patuere palam fatalia dona/  
Et robur uiresq; dei: quibus omnia mundi/  
Prodigia & portenta domet: quę pontus & ęther  
Et quę terra creat: cunctisque patentia regna  
Persephones: quare infestum si cominus agmen  
Confererent: magni timuerunt Herculis iras:  
Tum dea terrorum quę fraude exuberat omni  
Mortem sęua uocat: quę postq; nocte cruenta  
Prodiit: indignum uita: nec amabile uulgus  
In senio marcere sinit: floresque uiuentę  
Immatura legit: populo lachrymanda domoq;



Funera: præcipuosq; immani absumit hiātu:  
Et dolor inclēmens egro uestigia gressu  
Admouet: his toto non est deformior ulla  
Pestis in inferno: nec monstrum dirius ullum.  
Quos: his exacuit dictis ac uoce superba:  
O mihi bellorum comites erebi effera proles  
Humano quoties respersi sanguine campos  
Vincimur insoliti uinci: proh dedecus: hostis  
En nostras trahit exuias: qui bella Typhēum  
Vana laceffentem tumulo depressimus alto  
Inarimes: quicq; Enceladum subiecimus etnē:  
Atque tot anguipedes phlegreā ualle gigantas  
Fulmine & excussa lapsos obtriuimus ossa  
At nunc heu quanta est iniuria: pristina nobis  
Vis cecidit: qua cuncta cadunt: nomenq; uerendum  
Perdidimus: sursum liceat si impune reuerti  
Dedecus hoc: nostraq; ingens cum labe trophēum  
Si referet superē Iunoni inuisa propago.  
Scilicet ignaui stygia torpebimus aula  
Et uictor parto remeabit prædo triumpho:  
At non hinc audax nostrę Iunonis adulter  
Vt labyrintheos potuit euadere flexus:  
Aequorei quanq̃ fuerit Iouis inclyta proles.  
Nunc igitur ne fama prior/neu clarus auerni  
Conculcetur honos/nostriq; potentia sceptri:  
Sumite lætales calamos funestaq; tela:  
Quę nece cuncta premunt: cælum quę terra fretūq;  
Fert quęq; ethereum subternascuntur olympum  
Laus acri rapienda uiro est/ & adorea pugne



## Thalia

Hoc pacto incensi dictis furialibus: alas  
Concutiunt: gaudentq; dolis: mors falce cruenta  
Terribilis præcepta facit: pharetramq; silentem  
Induit: atque implet calamis: hanc pone sequuntur  
Luctus: & algificus pallor: dolor improbus ipsam  
Præuolat innumeros portans in proelia morbos.  
Sed neque cocyti palus importuna: nec orci  
Tanitor: & moesto mors inuitabilis arcu:  
Non alius labor: aut aduersis prodiga damnis  
Fata uirum superare ualent: domat omnia fortis  
Amphitryoniades equo sub corde ferendo  
Quæ tristis fortuna sibi: seu fata dedissent.  
Iamq; nouem uenit quo cingitur orbibus orcus:  
Clamosumq; forum nigram stat ditis ad aulam:  
Cnoscus & residens celsa quæsit in arce:  
Iura docet fontes: seuam & quatit horridus urnam:  
Hic sibi Pirithoi sese obuia protulit umbra:  
Tunc subito sic orsa loqui: Iouis alta propago  
Alcide: qui cuncta domas: quæ mundus uterque  
Monstra creat: fatiq; dolos: fraudesque nouerq;  
Quis deus hæc superi prædicere posset olympi  
Euentura mihi: quæ spes portenderet unquam:  
Quæ tua dextra tulit: quæ nox imperuia fatis:  
Tu misero defensor ades tutellaq; Thæseo  
Inclyte semideum princeps: solatia nobis  
Insperata geris: uinclis uictricibus hostem  
Fortius urge meum: qui me fornace trifauci  
Corripuit: trepidos frangens sub dentibus artus:  
Vrge precor nostri capitis fortissime uindex



Nec monstri miserere feri: nihil iste dolebat:  
Thēsea quom stygię uinctum duxere cateruę:  
Atque tot humanos crudelis manderet artus:  
Me quoq; Cnōsiaci qui quęsitoris acerbum  
Iudicium expecto tristis: sortelque tremisco  
Sed tu siqua manet prisce pietatis imago:  
Erripe tartareis miserandum Thēsea uindlis:  
Hoc facilis labor: est prę duro adamante reuinctus:  
Pręq; uiam: quę te superas educet ad auras:  
Hęc te facta decent: isto tua gloria gressu  
Scandit ad ęthereum tecum sublimis olympum  
Hęc ait: ille malis miseros defendere suetus  
Ingemuit: subiere thori: quibus ipse bimbres  
Nimbigenas domuit: uirtus subit ęmula Thēsei:  
Thermodoontica quo cum pro coniuge bellum  
Gessit: & inuictis spoliauit Amazonas armis.  
Talia tum breuiter sedato pectore fatur.  
Huius amice tibi solaminis auctor adeste  
Iam pridem cupio: nec me Crassator auernus  
Terruit umbrarum: non mille pericula lęti:  
Ostendas igitur squallent quo languida Thēsei  
Mēbra situ: qua mole ruunt: qua compede marcēt:  
Sed prius hoc strictim doceas: quot moenibus istis  
Cingitur orcus inops: quid claudit machina tanta?  
Quoi phlegię genus inuiso de sanguine Martis.  
Tristia Persephones clauduntur regna noueno  
Circuitu: quorum ridenti lucidus aura  
Ultimus aspectat ludentes mollibus aruis  
Foelices animas: & fortunata piorum



## Thalia

Concilia: octauus ueterum iam labe malorum  
Lustratas: largo quę potu obliuia captant.  
Septimus impressas uario purgamine culpas  
Leuibus exedit uentis: uel fonte: uel igni  
Sex reliqui uariis resonant cruciatibus: intus  
Instipant animas flammis / poenisque coercent  
Perpetuis peccata luant: has dira nocentes  
Peruigil Alecto semper custodit: at illas  
Belli feruor adhuc mutilat: stat fertilis orbis  
Idalio saltu: hic miseros amor urit amantes:  
Hic homicidarum statio: & qui sponte nefandas  
Iniecere manus sibi met: uitasque dederunt  
Aeterno exitio: tantum mors ipsa rependit  
Liberam corporeo quibus est de carcere pulsa  
Lux uitę: quociens ut peragat sua fata necesse est.  
Hic solida glacie / atque altis concreta pruinis  
Gens: quę ignara fuit rerum / sine fulgure mentis  
Figitur: atque undis immota tenacibus heret  
Quosq; nouercales Lucina excepit in ulnas:  
Aspexitq; truci uultu / defluxa maligno  
In terras inimica polo: crudelia lugent  
Funera / crudeles parcas / matrumq; hymen eos.  
Rex lapitum armisoni proles a sanguine Martis:  
Annę etiam infantes misere dispendia uitę  
Suscipiunt: quid nam angusto meruere sub eoque?  
Tantane tartareum tenet inclementia regem?  
An alium: tantos animas quid mergit in ignes?  
Quis deus infesto condemnat numine manes?  
Heu male nota rogas huc descenditibus umbris



Verum equidem dicam: dictis te & uera docebo.

Iacobi Boni Epidaurii Dalmatę de raptu Cerberi  
Liber Tertius.

Euphrosyna.

p Rincipio architenens excelsi rector olympi  
Libera causa|deus|mens mundi|certa uolūtas

In quo principium rerum|finisque recumbit:

Miscuit ex alta rerum mysteria mente

In magno cratere chaos|celumq|deosque

Conflauit:pater archetypas & mente figuras

Protulit in nato:& per natum:& foedere sancto

Magni hominis fecit caput|& fundamen|& ignem

Post hominem cunctis opus excellentius|instar

Mundi totius tenues conclusit in artus:

Et domino rerum donauit libera iura.

Hinc manes sibi quisque duos sortimur:ad astra

Alter monstrat iter:caligantem alter ad orcum:

Nos etiam fatis summe deus arbiter aule

Subiecit:fatis ad res impellimur omnes:

Non tamen ingenium|nostriq arbitria seclis

Fata trahunt:genios sequimur sed sponte uolentes.

Hinc animi morbi|cęcęq infania mentis

Ignaros homines a summo auertit olympo:

Aut male suadus amor|deiectas attrahit ad res.

Quom uero a membris nos morte resolvimur atra:

Quam grauiā inuitos quāq impia facta sequūtur:



## Euphrosyna

Crimina inherescunt: prauus quę fecerat usus.  
Ergo ubi nōs uītę clementia diua reliquit:  
Impius ex atro fontes acheronte satelles  
Ducit ad horrendas sedes / soliumq; seueri  
Iudicis: hic poenas & crimina lancibus equant.  
Quo non ulla ualent populi tabularia: testes  
Nec pro fonte citant nude frant iudice cause  
Iam fontum *reuelata* palam secreta uidente.  
Omnibus hic deus est ignotus gentibus: ille  
Scilicet omnipotens eterni maxima patris  
Progenies / humana salus: qui corpore mortem  
Sponte reus capiet: uitam pro morte daturus  
Gentibus: & primi uictor sub carne parentis  
Aeternas iusto delebit sanguine poenas:  
Hic fontes damnat: qui magnō errore grauati  
Tramitibus uariis stygios merguntur in ignes.  
Tunc alias subeunt leges / atque altera iura:  
Nanq; sub ingenti qua se tellure profundat  
Hoc baratrum: tenditq; cauū per inane sub umbras  
Plutonis domus / & summi Iouis alta potestas:  
Dictę fratres seuas acherontis habenas  
Imperiumq; tenent umbrarum / atque impia ditis.  
Iussa regunt: & iura feris obnoxia poenis.  
Aeacus Europe gentes / Rhadamantus eoas  
Iudicat atque Asiam magnam / peccataq; Minos  
Cuncta recognoscit: fraternaq; iura recenset.  
Audi plorantes moestis uagitibus umbras  
Infantum: miseri genitili labe parentum  
Polluti / cęco tenebris plectuntur in antro.



Sed uerbis trahimus tempus: nox frigida curru  
Cornipedes adiunxit equos: pete Thēsea mecum:  
Et celeres capiamus iter: brevis est uia nobis.  
Interea dum iam properant/ grauis ecce tumultus  
Auditur: fragor insonuit: totūque repente  
Incepit mugire chaos: pulsuque rotarum  
Quadrupedante quati magni fundamina mundi.  
Quales humenti uentosa tonitrua celo  
Quom glomerāt euri pluuia impendente sub ęthra  
Obscura/foeti rixantur in ęthere nimbi.  
Mox subitum nigra caligine uoluier agmen  
Aspexere procul: spissamq; insurgere nubem.  
En quę castra uomit flegeton: q; tartarus agmen  
Ructat in Alciden: en quas globus exerit alas  
O phlegida Alcides inquit: quid tanta gerat uis?  
Exin gorgoneis serpentibus hirta Megēra  
Et stygię dant signa canes: quis nube sub ipsa  
Ductor erat: quo tanta lues inuaferit orcum?  
Diua mihi piplea refer. Dux agmine Pluto  
Primus quadrupedum curru est inuectus equorū:  
Quoi caput armatur galea: flammisq; relucet  
Tempora tartareis: ardentq; in uertice criste.  
Proximus hunc iuxta sathanas: quo nulla baratro  
Peior pestis inest: nec seuior ira deorum:  
Mille deos acherontis agit: hinc arduus instat  
Leuiathan/ crines flauos/ arrectaq; pulchrę  
Virginis ora gerens: & foedi crura draconis:  
Cętera serpenti similis: prope Mammona curru  
Victor in aurato fertur: quoi cęca potensque



## Euphrosyna

It fortuna comes: fert tela tricuspidata Demon:  
Et camuris triplices incingit cornibus hydros.  
Bellial effrenusque ruunt: & bellua Beemoth.  
Hos prima (ut perhibent) nascentis origine mundi  
Indyta ne sine laude foret presentia regis  
Aetherei/duos summo formauit olympos.  
Nondum Luna nothos agitabat candida currus:  
Nec stellis fulgere poli: nec Apolline pulchro:  
Puniceo Sathanas surgebat lucifer ortu:  
In quo ceu speculo sol aureus/aut orichalco/  
Aut uitreis quom fulget aquis splendebat imago/  
Et summi mens alta dei: quo maior olympos  
Non fuit in toto: formaq; decentior alter.  
Conditus etherea tunc Iuppiter arce latebat:  
Et gemine summo pendebant orbe cathene:  
Altera de duro ferri compacta metallo/  
Leua parte poli ad nigrum tendebat abyssum:  
Altera de fuluo longe formosior auro/  
A dextra regione dei exaltabat in arcem.  
Lucifer interea quod se deus altior esset:  
Concipit inuidiam: fastuq; inflatus inani  
Dixit: conscendam ethereos sublimis ad axes  
Ipse egomet: sedesq; meas aquilone sub alto  
Sustollam super astra: deoq; equabor olympi.  
Quem pater omnipotens celo indignatus ab alto  
Fulmine deiecit: compago leua reuulsa  
Mille deos secum rapuit: ceu lucida Phoebe  
De celo si lapsa ruat: quam mille secute  
Nocturne per inane faces/ conuulsaq; mundo



Sidera labantur: sic lucifer æthere summo  
Aera per tenuem præceps acheronta sub imum  
Decidit: innumerumq; cohors ingrata deorum:  
Quos rabies æterna tenet: quos orcus & aer  
Sustinet: omne nefas his persuadentibus ortum est.  
Postq; autem stygii tempestas atra tyranni  
Astitit alciden propius: riget horrida tortis  
Cæsaries erecta comis: atque acribus ardor  
Fulgurat ex oculis: sudor fluit: estuat ingens  
Pectus: anhelantesq; premit sub faucibus ignes.  
Qualis Apollineo perrhebi uertice pindi  
Quom leo descendit poturus flumina Nesti  
Seu fontes Acheloe tuos: si conspicit arma  
Bellaces inferre getas: fremit arduus: armi  
Horrescuntq; & colla toris: ardescit in imo  
Pectore uis: nec tela pauet: sed lumina torua  
Figit humi: quo seua ruat uenabula contra.  
Tum qui regna tenet pedibus subiecta tonantis  
Dispater: ignitis produnt quæ faucibus alta  
Tænara: & æneis torrens Vulcanus ab antris:  
Quadrupedes frenare iubet: cunctasque phalanges  
Iussit in immotis pariter consistere castris:  
Turba deo paret: durisque auriga lupatis  
Nigrantes attraxit equos: quibus actus ab armis  
Spiritus ardentes concussis naribus ignes  
Spargit: & hinnitu spumas agit ore cruentas:  
Illi autem trigas sistunt: & calcibus auras  
Sublatis feriunt: uentosq; laceffere gaudent.  
Mox deus umbrarum curru se submouet alto:



## Euphrosyna

Et uertit ferale caput: lateq; uidentes  
In tenebris acies plenas formidinis atrę:  
Et uidet Alcmenę & Iouis omnipotentis alumnū  
Faucibus e mediis/mediisq; ex ignibus orci  
Tergeminum rapuisse canem: contraq; cateruas  
Tartareas audere: & contra dęmonas omnis  
Tunc ambage noua stygii timor/iraq; mentem  
Inuasere ducis: prędam seu pace reposci:  
Seu durum Mauortis opus certamen iniri:  
Expediat/lesa pro maiestate baratri.  
Hinc obstabat atrox/atque insuperabile robur  
Alcidę magni: diti quoq; cognita summi  
Progenies inuicta Iouis: quem pater in alto *suppr*  
Aethere cęlitibus prędixerat unius aluo  
Victorem prodire nurus/terręq; poli q;  
Infernęq; domus: quo tempore matris ab aluo  
Exiturus erat dii sub lumen olympi.  
Pręterea pilum nec adhuc aboleuerat ulcus:  
Nestoręq; memor fuerat Saturnius aulę:  
Qui quom pro cęsis in eodem sanguine natis:  
Euerlamq; domum: & disiectam funditus urbem:  
Nelidę auxilium ferret: uix sauius iram  
Herculis aufugit moestas acherontis in edes.  
Hęc obiectabat timor: at calcaria demens  
Ira deo uesana dabat: maiorq; sub imo  
Corde furor flammis urgebat pectus anhelis.  
Ipse tamen tacitus memorabat talia secum:  
Tu genitor Saturne mihi: tu regia Iuno  
Es soror: est frater mundum qui fulmine terret:



Es mater tu Rhea mihi: non foemina pellex:  
Non equidem Antheus: non armentalis abactor:  
Non hymenæi turpis bellator Iachi  
Nec tegeus aper: nec quos puer enecat angues:  
Aut alię quas mille feras/hominesque/nurusque  
Contudit: hæc propter dici insuperabilis heros  
Scilicet in terris meruit: non protinus orco  
Mortali sit tantus honos: uictoria nostra  
Est dea nata domo: iactet se magnus adulter  
In cęlo/superisque thronis/cętuq; deorum:  
Incrementa ferat nocti: solemq; retardet:  
Vt rerum domitor męcha nascatur ab una.  
Est fraus in fatis: quam nec seruauit ad unguem  
Iuppiter: interdum licuit quoi fallere diuos:  
Nam regina Sami partu sub uentre retento  
Talibus eductum fatis Eurysthea tinxit.  
Nil moueor quernę tenui pro uulnere clauę:  
Nanq; haud illa deum/pigros sed perculit artus.  
Te quoq; bistonio qui quadrupedante superbis  
Armipotens gradiue pater/Diomedis acuta  
Cuspide pergameis perfodit lancea campis:  
Et tu quod dulcem properas defendere natum  
Cypria diua geris candenti in corpore uulnus.  
Hęc ubi desierat: furiis/atque acribus iris  
Ardescunt animi ditis: procul exulat omnis  
Mente timor pulsus/dubio comitatus inerti:  
Arma rapit: curruq; pedes descendit ab alto:  
Quantus o lympus/athos quantus/uel nubifer atlas  
Quantus alit siluas:& longa prominet umbra:



## Euphrosyna

Quantaq; caucasei dorsi iuga: quanta pachinni:  
Aut quantis idea iugis se gargara tollunt.  
Tanta tridentiferi facies erat Aydonei.  
Tunc sceptro cunctis/nutuq; silentia suadet.  
Obticet atra phalanx subito: filet omnis ad unum  
Implacata domus: non amplius insonat ultrix  
Verbera Thesiphone: tacite stant ignibus umbræ:  
Styx tacet atra palus: mutescunt triste sonantis  
Pallentes acherontis aque: filet igneus ammis:  
Et ripis cocyte tuis graue labile flumen.  
Deinde deos erebi precibus compellat amicis.  
Summe pater rerum: uacua qui Gorgonis aluo  
Stas: quem scire palam/uel cuius nomen in aures  
Ferre nefas: res prima chaos: quæ rite silendo  
Dum sis iuncta deo: fecunda fundis ab aluo  
Omnia: tuq; pater calami lyçee canori  
Cultor siluarum: & martis lymphator anhel:  
Magna parës: erebû medio quæ claudis in antro:  
Et phlegeton: & nox quâ discolor ambit amictus:  
Vobis o magni deuota est uictima diui:  
Vobis succumbat: uestris mactetur in aris:  
Solut ego aggrediar: porro uos eminus este:  
Este procul socii: nec quisq; bella capeffat.  
Hec ait. Alcides iamdudum inuadere pugnam  
Gestit: Cerbereos & nexibus implicat artus:  
Et deponit humi/inctum ceu rusticus hedum.  
Tunc & ipse deos tali sic uoce precatur.  
O pater omnipotens: & rex/hominumq; deumq;  
In quo principium rerum/finisque recumbit.

c



Tu quoq; quam uertex armatam protulit altus  
Bellipotens Tritonis hera intemerata uirago.  
Solq; dator lucis: celi cor mensque profundis:  
Vos quoq; uocales magni Syrenes olympi:  
Vatibus etherios musq; que infunditis haustus:  
Vobis o magni talis cadat hostia diui:  
Vobis mactetur: uestris procumbat in aris.  
Iam uero & manes certatim/ & Demonas omnis  
Conspexisse iuuat/ diuersi numina mundi/  
Ingentisque deos acri coisse duello.  
Postq; autem rapido procurfu cominus armis  
Inuadunt Martem: crebris sonat ictibus omnis  
Tartarus: & ripis longe palus alta remugit.  
Alcides multa pollens ui: & Palladis arte  
Exponit leuumq; pedem/ pectusque sinistrum  
Ditis ad insultum: teliq; tricuspidis ictum:  
Dis impune putans ad apertos emicat artus  
Marte furens: totoq; intorquet turbine telum:  
Ceu ferit: exclamant acies: chaos intonat omne:  
Et sonitu tetri domus alta resultat auerni:  
At uegetus retro cedit pes: clauaq; teli  
Excipiens ictum frustratum/ cum pede dextro  
Vertitur acta manu dextra ceu fulmen: & orcum  
Assequitur: cedit retro bellator uterque.  
Tollitur interea fuscis exercitus alis:  
Excipiuntq; graui nutantem uulnere ditem:  
Aegrescuntq; acti furiis: mustantq; dolore  
Accensi: ueniamq; petunt a rege cruento  
cum totis Demonas ut omnis Mars experiatur ad unum.



## Euphrosyna

Respondit Pluto: magni uis Herculis ingens  
Si uinci posset: dextra hac deuicta fuisset.  
Immo hoc præcipio uobis: date Thesea magnum  
Insper Alcide: tantoq; absistite monstro:  
Mature ut talis discedat pestis ab orco.  
Ac uelut assyrios saltus/aut syrtica linquens  
Arua draco/siluasue procul cristatus eoas:  
Si super undantem flammis ardentibus ætnam  
Dum secat aerios tractus pernicibus alis  
Sidat: & in uastum Polyphæmi Cyclopi antrum:  
Septaq; conturbet: ualidum tum corpore taurum  
Fauce apprehendat atrox: & nexibus angat adhesis  
Obuius at Cyclops trunco Polyphæmus obuisto  
Prodeat: horrendi rabies animosa draconis  
Taurum linquat humis: magnūq; assurgat in hostē:  
Hic/ut tanta lues antro discedat opaco:  
Obiicit atque alium taurum: sic Thesea forti  
Amphytrioniadē pro munere tradidit orcus.  
Tum specus horrendū/ & fauces flegetuntis anhel  
Victor adit spoliis/ & munere lētus auerni.  
Qua patet introitu facilis uia prona baratri:  
Sed non egressu facilis: tunc Cerberus auras  
Ignotas/ lumenq; suo inspectabile uisu  
Vidit: nec potuit tenebrarum & noctis alumnus  
Lumine lucifugo splendorem ferre diurnum:  
Triplex ergo caput stygias auersus ad umbras  
Concutit: & toto conuassat uincula nixu.  
Sed domitus quid uana canis certamina sumis?  
Atque reluctando uictus bella irrita tentas?



Quom uero Alcides iucundas luminis oras  
Attigit: & dulcem tellurem / letaq; uidit  
Ridentis conuexa poli: sic protinus infit.  
Alme pater mundi dolio qui promiss ab alto  
Cuncta ratis parce que uoluunt stamina fusis:  
En tua progenies sacraria ditis auari  
Subiecit: uictrixq; ferum spoliavit auernum:  
Ut pateat mundo quanti tibi filius esset  
Alcides: in quo uirtus tua sancta refulsit.  
Ergo uictor ago grates tibi Iuppiter auctor  
Victoris: contra uires Iunonis iniquas.  
Dixerat: & medios sol feruentissimus axes  
Igniferis calcabat equis: & lampade recta  
Aethiopas duplices: axemq; uidebat utrunq;  
Tum deus Alcides ob durum iter / atque laborem  
Fessus anhelabat: requiemq; & molle leuamen  
Ut caperet curis / gelidas petit arboris umbras:  
Arboris antiquę: que stans delubra secundum  
Ingentes ramos / & brachia densa per auras  
Sparserat / argenti crepitans umbrosa susurro.  
Hic placida uirides diuellit ab arbore ramos:  
Impexasq; comas foliis bicoloribus ambit.  
Exin populeis protecti frondibus ambo  
Heroes recubant: pictam mirantur & edem:  
Qua methymneus donaria liquit Arion.  
Hic ephyrea ratis calabro resoluta Tarento  
Vela notis effusa dabat: pelagusq; tenebat:  
Collecti in foribus nautę de cęde nefanda  
Tractabant: supplex fundebat Lesbios aurum:



## Euphrosyna

Hinc media puppi thyrio stans lucidus ostro  
Orthrya dicebat diuino carmina cantu:  
Distinctamq; auro cytharam/niueoq; elephanto  
Pectine pulsabat:stupidi quo carmine nautę  
Hi flectebantur pronis ceruicibus:illi  
Stertebant alte:comitatus carmina somnus  
Dulcia:sopitos cunctis irrepserat artus.  
Hoc & Neritium cantu sopisset Vlixem:  
Traxissetq; altis proceras montibus ornos:  
Auritas faceret cautes:tenuisset & amnes:  
Cunq; truci molles misceret tygride dammas:  
Ipseq; cum docto certaret Apolline tutus.  
Hinc illum uectans argenteus equore delphin  
Innabat:summo proscindens cerula dorso.  
Parte alia ueniens ephyreas letus ad arces  
Mira corinthiaco narrabat facta tyranno.  
Mox aduecta ratis bimari iam perfida portu  
Stabat:& incolumem mirantur Ariona nautę  
Astantes domino coram:& formidine pallent.  
Hęc dum per templum uulgo depicta tuentur:  
Ecce coronati Phoebeis frondibus adsunt  
Indigenę:qui facta canunt:& carmine laudes  
Herculeas super astra ferunt:ut fata nouerę  
Prodigia/atque odium domuit:geminuq; leonem:  
Aeripedem ceruam:taurum:symphalidas:hortos  
Hesperidum:tu terrigenas inuicte Gigantes  
Deicis:euertis troiam:tu Albionas imbre  
Ad rhodani ripas sternis:Nessumq; latronemq;  
Acer auentinum:tu templa lacinia condis:



Te quoq; labentem mundum / superosque tenentem  
Atlas obstupuit: te tela crisulca ferentem  
Contremuit percussa soror Iouis: elicis umbram  
Coniugis Admeti furuis e sedibus orci:  
Aequoreoq; rapis tu Laomedontida monstro.  
Hec & mille dei laudes / & gesta canebant.  
Sed lyra iam reticet lassæ Cyllenia Phoebi:  
Solvite pierides choreas: & claudite fontes  
Bellorophonteos: uestris sat lusimus antris.

Philippi Beroaldi Hexasticon.

Viribus Alcides superas educit ad auras  
Inferna stygium de regione canem.  
Versibus Herculeæ par est Iacobus erumnes  
Ille canenda gerit fortiter / iste canit.  
Aetherios illi cultus / benefacta dedere:  
Isti grande decus hæc benedicta dabunt.





